

宋  
名  
家  
詞

于湖先生雅詞序

蘇明允不工於詩歐陽永叔不工於賦曾子固  
短於韻語黃魯直短于散語蘇子瞻詞如詩秦  
少游詩如詞才之難全也豈前輩猶不免耶紫  
薇張公孝祥姓字風雷於一世舜彩日星於郡  
國其出入皇王縱橫禮樂固已見於萬言之陛  
對其判花視草演絲為綸固已形於尺一之詔  
書至于託物寄情弄翰戲墨融取樂府之遺意

鑄為毫端之妙詞前無古人後無來者散落人間今不知其幾也北遊荆湖間得公于湖集所作長短句凡數百篇讀之冷然灑然真非煙火食人辭語予雖不及識荆然其瀟散出塵之姿自在如神之筆邁往凌雲之氣猶可以想見也使天假之年被之聲歌薦之郊廟當其陰莖韶護間作而遞奏非特如是而已一日鳳鳥去千辛梁木摧予深為公惜也于湖者公之別號也

昔陳季常晦其名自稱為龍丘子嘗作無愁可  
解東坡為之序引世之不知者遂以龍丘為東  
坡之號予故表而出之乾道辛卯仲冬朔日建  
安陳應行季陸序

序

昔東坡見少游上巳遊金明池詩有簾幙千家  
錦繡垂之句曰學士又入小石調矣世人不察  
便謂其詩似詞不知坡之此言蓋有深意夫鏤  
玉雕瓊裁花剪葉唐末詞人非不美也然粉澤  
之工反累正氣東坡慮其不幸而瀟手彼故援  
而止之惟恐不及其後元祐諸公嬉弄樂府寓  
以詩人句法無一毫浮靡之氣實自東坡發之

千秋詞序

三

汲古閣

也于湖庶微張公之詞同一關鍵始公以妙年射策魁天下不數歲入直中書帝將大用之未幾出守四郡多在三湖七澤間何哉衡謂茲地自屈賈題品以來唐人所作不過柳枝竹枝詞而已豈以物色分畱我公要與大江東去之詞相為雉長故建牙之地不於此而於彼也歟建安劉溫父博雅好事於公文章翰墨尤所愛重片言隻字莫不珍葦既哀次為法帖又別集

樂府一編屬予序之以冠於首

衡

嘗獲從公游

見公平昔為詞未嘗著稿筆酣興健頃刻即成  
初若不經意反復究觀未有一字無來處如歌  
頭凱歌登無盡巖岳陽樓諸曲所謂駿發踔厲  
寓以詩人句法者也自仇池仙去能繼其軌者  
非公其誰與哉覽者擊節當以予為知言乾道  
辛道辛卯六月望日陳郡湯衡撰

于湖詞

目錄

六州歌頭

一調

水調歌頭

三調

滿江紅

三調

念奴嬌

三調

木蘭花慢

二調

雨中花慢

一調

驀山溪

一調

鷓鴣天

二調

菩薩蠻

二調

鵲橋仙

二調

西江月

三調

憶秦娥

三調



桃源憶故人

一  
醉落魄

一  
詞

于湖詞目錄

終

于湖詞

宋 張孝祥

六州歌頭

此調或作三疊亦羶腥止  
第一段且休兵止第二段

長淮望斷關塞莽然平  
征塵暗霜風勁悄邊聲  
黯銷凝追想當年事  
殆天數非人力洙泗上絃  
歌地亦羶腥隔水羶鄉  
落日牛羊下區脫縱橫  
看名王宵獵騎火一川  
明笳鼓悲鳴遣人驚

念腰間箭匣中劔空埃  
蠹竟何成時易失心徒

壯歲將零渺神京  
干羽方懷遠靜烽燧且休兵  
冠蓋使紛馳驚若爲情聞道中原遺老常南望  
翠葆霓旌使行人到此忠憤氣填膺有淚如傾

水調歌頭

凱歌寄湖南  
安撫劉舍人

猩鬼嘯篁竹玉帳夜分弓  
少年荆楚劔客突騎  
錦檐紅千里風飛雷厲四校星流彗埽蕭斧挫  
春蔥談笑青油幕日奏捷書同  
詩書帥黃閣  
老黑頭公家傳鴻寶秘畧小試不言功聞道璽

書頻下看卽沙堤歸去帷幄且從容君王自神  
武一舉朔庭空

又

舟過金山寺。或作  
詠月。或刻韓子蒼

江山自雄麗風露與高寒寄聲月姊借我寶鑑  
此中看幽壑魚龍悲嘯倒影星辰搖動海氣夜  
漫漫擁起白銀闕危駐紫金山表獨立飛玉  
佩整雲冠漱水濯雪眇視萬里一毫端回首三  
山何處聞道羣仙笑我要我欲俱還揮手從此

干湖詞

汲古閣

去翳鳳更驂鸞

又

慈靜寺觀雨  
寺在碧霄泉

青嶂度雲氣幽徑舞回風江神助我雄觀喚起  
碧霄龍電掣金蛇千丈雷震靈巖萬叠洶洶欲  
崩空盡瀉銀潢水散入寶蓮宮 坐中客凌積  
翠看犇洪人間應失七筯惟我獨從容淨洗從  
來塵垢潤及無邊枯槁造物不言功天宇忽開  
霽日在五雲東

滿江紅

秋懷

秋滿灘源瘴雲靜曉山如簇動遠思空江小艇  
高丘喬木策策西風雙鬢底暉暉斜日朱欄曲  
試側身回首望京華迷南北 思歸夢天邊鵲  
遊宦事蕉中鹿想一年好處砌紅堆綠羅帕分  
柑霜落齒冰盤剝芡珠盈掬借春纖縷鱸搗香  
蟹新筍熟

又

味雨

二 漢言  
三  
斗帳高眠寒窗靜瀟瀟雨意南樓近更移三鼓  
漏傳一水點點不離楊柳外聲聲只在芭蕉裏  
也不管滴破故鄉心愁人耳 無似有遊絲細  
聚復散真珠碎天應分付與別離滋味破我一  
床蝴蝶夢輸他雙枕鴛鴦睡向此際別有好思  
量人千里

又

玩鞭亭 乾道  
元年正月十日

千古淒涼興亡事但悲陳迹凝望眼吳波不動

楚山空碧巴滇綠駿追風遠武昌雲旆連天赤  
笑老奸遺臭到如今留空壁 邊書靜烽煙息  
通軺傳銷鋒鏑仰太平天子聖明無敵感踏揚  
州開帝里渡江天馬龍爲匹看東南佳氣鬱蔥  
蔥傳千億

念奴嬌

欲雪呈朱漕

朔風吹雨送淒涼天意坐坐欲雪萬里南荒雲  
霧滿弱水蓬萊相接凍合龍岡寒侵銅柱碧海

干湖詞

四

汲古閣



冰澌結憑高一笑問君何處炎熱  
家在楚尾吳頭歸期猶未對此驚時節  
記得年時貂帽煥鐵馬千羣觀獵狐兔成車  
歌鍾殷地蹄踏層城月持盃且醉不須北望  
淒切

又  
洞庭

洞庭青草近中秋夏無一點風色玉界瓊田  
三萬頃著我扁舟一葉素月分輝銀河共影  
表裏俱澄澈怡然心會妙處難與君說  
應念嶺海

經年孤光自照肝肺皆冰雪短髮蕭騷襟袖冷  
穩泛滄浪空濶盡挹西江細傾北斗萬象爲賓  
客扣舷一笑不知今夕何夕

又

離  
思

星沙初下望重湖遠水長雲漠漠一葉扁舟誰  
念我今日天涯飄泊平楚南來大江東去處處  
風波惡吳中何地滿懷俱是離索長記送我  
行時綠波亭上泣透青羅薄檣燕低飛人去後

詞譜卷五  
五  
依舊湘城簾幙不盡山川無窮煙浪辜負秦樓  
約漁歌聲斷爲君雙淚傾落

木蘭花慢

離思詞類  
作木蘭花令

送歸雲去雁淡寒彩滿溪樓正佩解湘腰釵孤  
楚鬢鸞鑑分收凝情望行處路但疎煙遠樹織  
離憂只有樓前溪水伴人清淚長流 霜華夜  
永逼衾裯喚誰護衣篝念粉館重來芳塵未掃  
爭見嬉遊情知悶來帶酒奈回腸不醉只添愁

脉脉無言竟日斷魂雙鷺南州

又別情

紫簫吹散後恨燕子只空樓念璧月長虧玉簪  
中折覆水難收青鸞送碧雲句道霞扃霧鎖不  
堪憂情與文梭共織怨隨宮葉同流 人間天  
上兩悠悠暗淚洒燈篝記谷口園林當時驛舍  
夢裏曾遊銀屏低聞笑語但夢時冉冉醒時愁  
擬把菱花一半試尋高價皇州

干湖詞

六

汲古閣

雨中花慢

長沙詞  
失慢字

一葉凌波十里御風煙  
鬢雨鬢蕭蕭認得江皋  
玉珮水館冰綃秋淨  
明霞乍吐曙涼宿靄初消  
恨微顰不語欲進還休  
凝竚迢遙神交冉冉  
愁思盈盈斷魂欲遣  
誰招還似待青鸞傳信  
鳥鵲成橋悵望胎仙  
琴瑟羞看翡翠蘭苕  
夢回人遠紅雲一片  
天際笙簫

驀山溪

春情

雄風豪雨時節清明近簾幙起輕寒煥紅爐笑  
翻灰燼陰藏遲日欲驗幾多長繡工慵圍棋倦  
香篆頻銷印 茂林芳徑綠變紅添潤桃杏意  
酣酣占前頭一番花信華堂尊酒但作艷陽歌  
禽聲喜流雲盡明日春遊俊

鷓鴣天

長沙饒  
劉樞密

浴殿西頭白玉堂湘江東畔碧油幢北辰躔次  
瞻星象南斗山川解印章 隨步武借恩光送

君先促舍人裝他年真宵傳衣鉢今日先須酌  
一觴

又

春情

日日青樓醉夢中不知樓外已春濃杏花未遇  
疎疎雨楊柳初搖短短風扶西鷓躍花驄湧  
金門外小橋東行行又入笙歌裏人在珠簾第  
幾重

菩薩蠻

舟中

十年長作江南客  
檣竿又挂西風席  
白鳥去邊明楚山  
無數青 倒冠仍落佩  
我醉君同醉 試問識君否  
青山與白鷗

又

杏花 或作春筍

東風約畧吹羅幕  
一簷細雨春陰薄  
試把杏花看 溼紅嬌  
算寒 佳人雙玉枕  
烘醉鴛鴦錦 折得最繁枝  
暝香生翠幃

鵲橋仙

干湖詞

八

汲古閣



橫波滴素遙山蹙翠江北江南腸斷不知何處  
御風來雲霧裏釵橫鬢亂香羅疊恨鸞牋寫  
意付與瑤臺女伴醉時言語醒時愁道說與醒  
時休看

又  
梅

吹香成陣飛花如雪不那朝來風雨可憐無處  
避春寒但玉立仙衣數縷清愁萬斛柔腸千  
結醉裏一時分付勸君不用嘆飄零待結子成

陰歸去

西江月

黃陵廟

滿載一船明月平鋪千里秋江波神留我看斜  
陽喚起粼粼細浪 明日風回夏好今朝露宿  
何妨水晶宮裏奏霓裳準擬岳陽樓上

又

洞庭

問訊湖邊春色重來又是三年東風吹我過湖  
船楊柳絲絲拂面 世路如今已慣此心到處

于湖詞

九

汲古閣

悠然寒光亭下水連天飛起沙鷗一片

又

爲劉樞密  
太夫人壽

疇昔通家事契卽今兩鎮交承起居樞密太夫人  
綠髮斑衣相映乞得神仙九醞祝教福祿  
千春台星直上壽星明長見門闌鼎盛

憶秦娥

雪

雲垂幕陰風慘澹天花落天花落千林瓊玖滿  
空鷲鷗征車渺渺穿華薄路迷迷路增離索

增離索楚溪山水碧湘樓閣

又梅

梅花發寒梢挂著瑤臺月瑤臺月和羹心事履  
霜時節斷橋流水聲嗚咽行人立馬空愁絕  
空愁絕爲誰凝竚爲誰攀折

又元夕

元宵節鳳樓相對鼇山結鼇山結香塵隨步柳  
梢微月多情又見珠簾揭游人不放笙歌歇

笙歌歇曉煙輕散帝城宮闕

桃源憶故人

冬飲

朔風弄月吹銀霰簾幙低垂三面酒入玉肌香  
軟壓得寒威斂檀槽乍撥么絲慢彈得相思  
一半不道有人腸斷猶作聲聲顫

醉落魄

或誤作  
醉羅歌

輕寒澹綠可人風韻閒梳束多情早是眉峰感  
一點秋波閒裏覩人毒桃花庭院閒妝束銅

鞦韆誰唱大堤曲  
歸來想是櫻桃熟  
不道秋千誰伴那人蹴

字安國號于湖蜀之簡州人也後卜居  
應陽故陳氏稱為歷陽人甲戌狀元及  
第出自思陵親擢故秦相孫墳居其下  
檜忌惡之以事召致于獄檜亡上眷益  
隆不數載入直中書惜其不年上嘗有  
用不盡之歎玉林集中與詞家選二千

于湖詞

十一

汲古閣

有四闋評云舊有紫微雅詞湯衡為序  
稱其平昔為詞小嘗著稿筆酣興健頃  
刻即成無一字無來處如歌頭凱歌諸  
曲駿發蹈厲富以詩人句法者也恨全  
集未見耳古虞毛晉記

于湖詞終

于湖詞卷二

水調歌頭

汪德邵作無盡藏樓於棲霞之間取玉局老仙遺意張安國過

之爲賦  
此詞

淮楚襟帶地雲夢澤南州滄江翠壁佳處突兀  
起紅樓憑仗史君胸次爲問仙翁何在長嘯俯  
清秋試遣吹簫看騎鶴恐來遊欲乘風凌萬  
頃從扁舟山高月小霜露旣降凜凜不能留一  
弔周郎羽扇尙想曹公橫槩興廢兩悠悠此意



無盡藏分付水東流

又

帥靖  
江作

五嶺皆炎熱宜人獨桂林江南驛使未到梅蕊  
透春心繁會九衢三市縹緲層樓疊觀雪片一  
冬深自是清涼國不遣瘴塵侵 溪山好青羅  
帶碧玉簪平沙細浪欲盡陡起忽千尋家種黃  
柑丹荔戶拾明珠翠羽簫鼓夜沉沉莫問驂鸞  
事有酒且頻斟

又

桂林中秋作

今夕復何夕此地過中秋賞心亭上喚客追憶  
去年遊千里江山如畫萬井笙歌不夜挾路看  
鼈頭玉界湧銀闕珠箔捲瓊鈎馭風去忽吹  
到嶺南州去年明月依舊還照我登樓樓下水  
明沙淨樓外參橫斗轉搔首思悠悠老子興不  
淺聊復少淹畱

又

過瀟湘寺

濯足夜灘急晞髮北風涼吳山楚澤行盡只欠  
到瀟湘買得扁舟歸去此事天公付我六月下  
滄浪蟬蛻塵埃外蝶夢水雲鄉 製荷衣紉蘭  
珮把萍房湘妃起舞一笑撫瑟奏清商喚起九  
歌忠憤拂拭三閭文字還與日爭光莫遣兒輩  
覺此樂未渠央

又

艤棹太湖岸天與水相連垂虹亭上五年不到

故依然洗我征塵三斗快挹商飈千里鷗鷺亦  
翩翩身在水晶闕真作馭風仙 望中秋無五  
日月還圓倚欄清唱孤發驚起壑龍眠欲酹鴟  
夷西子未辦當年功業空繫五湖船不用知餘  
事鱸膾正甘鮮

又

聞采石  
戰勝

雪洗虜塵靜風約楚雲留何人爲寫悲壯吹角  
古城樓湖海平生豪氣關塞如今風景剪燭看

吳鈎膽喜燃犀處駭浪與天浮  
憶當年周與謝富春秋小喬初嫁香囊猶在功業故優游赤  
岸磯頭落照淝水橋邊衰草渺渺喚人愁我欲  
乘風去擊楫誓中流

又

天上掌綸手闡外折衝才發蹤指示平蕩全楚  
息氛埃緩帶輕裘多暇燕寢森嚴兵衛香篆幾  
徘徊襦袴見歌詠桃李藉栽培  
紫泥封天筆

潤日邊來趣裝入覲行矣歸去作鹽梅祖帳不  
須遮道看取眉間一點喜氣入尊罍此去沙堤  
路平步上三台

又

隆中三顧客圯上一編書英雄當日感會餘事  
了寰區千載神交二子一笑渺然於世却顧駕  
柴車常憶淮南岸耕釣混樵漁 忽扁舟凌駭  
浪到三吳綸巾羽扇笑容與列仙如豈爲尊羹

鱸膾優挂衣冠神武此興渺江湖學酒對明月  
高曳紫霞裾

又

送謝倅  
之臨安

客裏送行客常苦不勝情見公秣馬東去底事  
却欣欣不爲青瑣俯拾自是公家舊物何必更  
關心且喜謝安石重起爲蒼生 聖天子方側  
席選豪英日邊仍有知己應剡薦章間好把文  
經武略換取碧幢紅旆談笑掃胡塵勲業在此

舉莫厭短長亭

又送劉帥  
移朝

鼇禁輟頗牧熊軾賴龔黃一時林莽千險蠶午  
嬰驅攘金版云韜初試烟斂山空野迥低草見  
牛羊旒纒釋南顧戈甲濯銀潢玉書下褒懿  
績促曹裝帝衷天近紅旆東去帶朝陽登輔五  
雲丹陛迴首楚樓千里遺愛滿瀟湘應記依劉  
客曾此捧離觴

于湖詞

卷二  
五

汲古閣



念奴嬌

再用韻  
呈朱夫

繡衣使者度郢中絕唱陽春白雪人物應須天  
上去一日君恩三接粉署香濃宮林錦重僂把  
絲鉤結片心如冰不教炙手成熱還記嶺海  
相從長松千丈映我秋竿節忍凍推敲清興滿  
風裏烏巾獵獵只要東歸歸心入夢夢泛寒江  
月不因尊鱸白頭親望真切

又

仲欽提刑仲冬行邊漫  
呈小詞以備鼓吹之闕

弓刀陌上過蠻煙瘴雨朔雲邊雪幕府橫驅三  
萬里一把平安遙接方丈三韓西山八詔慕義  
羞椎結梯航入貢路經頭痛身熱 今代文武  
通人青霄不上却把南州節虜馬秋肥鷓力健  
應看名王宵獵壯士長歌故人一笑趁得梅花  
月王春奏記便須平步清切

滿江紅

思歸寄柳  
州林守

秋滿衡臯烟蕪外吳山遙碧風乍起蘭舟不住

浪花如席離岸櫂聲驚漸遠盈襟淚點淒猶滴  
問此情能有幾人知新相識 追往事懽連夕  
經舊館人非昔把輕顰淺笑細思量紅葉題詩  
誰與寄青樓薄幸今遺迹但長洲茂苑草淒淒  
愁如織

定風波

鈴索收聲夜未央起尋花影步迴廊莫道嶺南  
冬更暖君看梅花如雪月如霜 見說墻西歌

吹好玉人夾坐勸飛觴老子婆娑成獨冷誰省  
自挑寒爝自添香

木蘭花

送張魏公

擁貔貅萬騎聚千里鐵衣寒正玉帳連雲油幢  
映日飛箭天山錦城起方面重對籌壺盡日雅  
歌閑休遣沙場虜騎尙餘疋馬空還那看夏  
值春殘斟綠醕對朱顏正宿雨催紅和風換翠  
梅小香慳牙旗漸西去也望梁州故壘暮雲間

休使佳人斂黛斷腸低唱陽關

雨中花

一舸凌風斗酒酌江翻然乘興東游欲吐平生  
孤憤壯氣橫秋浩蕩錦囊詩卷從容玉帳兵籌  
有當時橋下取履仙翁談笑同舟先賢濟世  
偶耳功名事成豈爲封畱何況我君恩深重欲  
報無由長望東南氣王從教西北雲浮斷鴻萬  
里不堪回首赤縣神州

水龍吟

過活溪

平生只說浯溪斜陽喚渡秋船繫月華未吐波  
光不動新涼如水長嘯一聲山鳴谷應棲禽驚  
起自顏元者後水流花謝當年事無人記須  
信兩賢不死駕飛車時游此地漫郎宅裏中興  
碑下應畱屐齒酌我清尊洗君孤憤來同一醉  
待相期把袂清都歸路騎鶴去三千歲

又

望九華作

竹輿曉入青陽細風涼月天如洗峰回路轉雲  
舒霧捲了非人世轉就丹砂鑄成金鼎碧光相  
倚料天關虎守箕疇龍負開神祕畱茲地縹  
緲朱幢羽衛望蓬萊初無弱水仙人拍手山頭  
笑我塵埃滿袂春瑣瑤房霧迷芝圃管游都記  
悵世緣未了忽忽又去空凝竚煙霄裏

多麗

景蕭疎楚江那更高秋遠連天茫茫都是敗蘆

枯蓼汀洲認炊煙幾家蝸舍映夕照一簇漁舟  
去國雖遙寧親漸近數峰青處是吾州便乘取  
波平風靜荃棹且夷猶關情有冥冥去雁拍拍  
輕鷗 忽追思當年往事惹起無限羈愁拄笏  
朝來多爽氣秉燭夜永足清游翠袖香寒朱絃  
韻悄無情江水只東流拖樓晚清商哀怨還聽  
隔船謳無言久餘霞散綺烟際帆收

蝶戀花



漠漠飛來雙屬玉，一片秋光染就瀟湘綠。雪轉  
寒蘆花，蔌蔌晚風細起，波紋縠。落日孤雲歸  
意促，小倚蓬窗寫作思歸曲。過盡碧灣三十六  
扁舟，只在灘頭宿。

訴衷情

中秋不見月

晚烟斜日思悠悠，西北有高樓。十分準擬明月  
還似去年遊。揮玉葦，捲銀鈎，喚新愁。嫦娥貪  
共算，雨朝雲，忘了中秋。

鷓鴣天

上母夫人壽

阿母蟠桃不記春  
長沙星裏壽星明  
金花羅紙新裁詔  
貝葉笏行別授經  
同犬子祝龜齡  
天教二老鬢長青  
明年今日稱觴處  
更有孫枝滿謝庭

又

錢劉共甫

憶管追遊翰墨場  
武夷仙伯較文章  
琅函奏號銀臺省  
擅筆書名御苑墻  
經十載過三湘橫

看麗錦照傳觴醉餘吐出胸中墨只欠彭宣到  
後堂

又

送錢使君  
守橫州

舞鳳飛龍五百年盡將錦繡裹山川王家券冊  
諸孫嗣主第笙歌故國傳 居玉鉉擁金蟬祇  
今門戶慶綿聯君侯合侍明光殿且作橫槎海  
上仙

又

仲欽提刑行部萬里閱四月而  
後來歸轍奉蔬果爲太夫人壽

去日清霜菊滿叢歸來高柳絮纏空長驅萬里  
山收瘴徑度層波海不風陰德徧嶺西東天  
教慈母壽無窮遙知今夕稱觴處衣綵還將衣  
繡同

又

楚楚吾家千里駒老人心事正關渠風流合是  
堦墀玉愛惜真如掌上珠紆綠綬薦芳壺老  
人還醉弟兄扶間將何物爲兒壽付與家傳萬

卷書

又上元  
落醮

詠徹瓊章夜向闌  
天移星斗下人間  
九光倒影騰青簡  
一氣回春達絳壇  
瞻北闕祝南山  
遙知仙仗簇清班  
何人曾侍傳柑燕  
翡翠簾開識聖顏

又

子夜封章扣紫清  
五霞深裏珮環聲  
驛傳風火

龍鸞舞步入烟霄  
孔翠迎 珮簡重羽衣輕金  
章雙引到通明  
三湘五筦同民樂  
萬歲千秋與  
帝齡

又

瞻蹕門前識箇人  
香車油壁照雕輪  
短襟衫子  
新來棹四直冠兒  
內樣新 秋色淨曉粧勻不  
知何事在風塵  
主公若也憐幽獨  
帶取妖嬈上  
玉宸

又

憶筇形庭望日華  
怱怱枯筆夢生花  
鶴輪袍曲  
慙新奏風送銀灣  
犯斗槎  
追往事及新瓜  
飛蓬何事及蘭麻  
一江湘水流餘潤  
千里河堤築  
淺沙

又

可意黃花人不知  
黃花標格世間稀  
園葵衰露  
迎朝日檻菊迎霜  
嬌夕霏  
芍藥好是金絲綠

藤紅刺引薔薇姚家別有神仙品似着天香染  
御衣

又

割鞞難留乘馬東花枝爭看裊長紅袞衣空使  
斯民戀綠竹誰歌入相同回武事致年豐幾  
多遺恨在湘中深知楚水楓林下不似初聞長  
樂鍾

又



又向荊州住半年西風催放五湖船來時露菊  
團金顆去日池荷剪綠錢 斟別酒扣離絃一  
時賓從最多賢今宵拚醉花迷坐後夜相思月  
滿川

眼兒嬌

曉來江上荻花秋做弄箇離愁半竿殘日兩行  
珠淚一葉扁舟 須知此去應難遇直待醉方  
休如今眼底明朝心上後日看頭

虞美人

盧敖夫婦驂鸞侶相敬如賓主森然蘭玉滿罇  
前案舉齊眉樂事看年年我家白髮雙垂雪  
已是經年別今宵歸夢楚江濱也學君家兒子  
壽吾親

又

柳梢梅蕊香全未誰會傷春意一年好處是新  
春柳底梅邊只欠那人人憑春約住梅和柳

于湖詩

卷二

汲古閣

且待些時候錦帆風迅綵舟來却放香苞嬌蕊  
一齊開

又

雲消烟漲清江浦碧草春無數江邊幾樹夕陽  
紅點點征帆吹盡夜來風樓頭月壓章華館  
我已無腸斷斷行雙雁背人飛織錦迴文空在  
寄他誰

又

清宮初入韶華管宮葉秋聲滿滿庭芳草月嬋  
娟想見明朝喜色動天顏 持盃滿勸龍頭客  
榮遇時難得詞源三峽瀉瞿塘便是醉中空去  
也無妨

鶴橋仙

上主管壽送  
南康酒北梨

南州名酒北園珍果都與黃香爲壽風流文物  
是家傳睨血指旁觀袖手 東君消息西山爽  
氣總聚公家戶牖舊時曾識玉堂仙狂帝所頻

開薦口

又

黃陵廟下送君歸去上水船兒一隻離歌聲斷  
酒盃空容易裏東西南北重湖風月九秋天  
氣冉冉新愁如織我家住在楚江濱爲頻寄雙  
素尺

又

吳伯承  
侍兒

明珠盈斗黃金作屋占了湘中秋色金風玉露

不勝情看天上人間今夕  
枝頭一點琴心三  
疊算有詩名消得野堂從此不蕭疎何日向尊  
前喚客

又

耶少連  
送末利

北窗涼透南窗月上浴罷滿懷風露不知何處  
有花來但怪底清香無數  
炎州珍產吳兒未  
識天與人間獨步冰肌玉骨歲寒時倩閒止堂

中畱住

閒止少  
連堂名

于海詒

十六

汲古閣

又

上運使壽

東明大士吾家老子是一元知非二  
芙蓉移甘雨  
趁生朝作萬里豐年歡喜  
司空山上長沙星  
裏乞與無邊祥瑞仙鄉日月正鎮常春  
笑人說  
長生久視

踏莎行

長莎花極小作此詞并二枝為伯承欽天諸兄一觴之薦

洛下根株江南栽種  
天香國色千金重  
花邊三閣建康春風前十里揚州夢  
油壁輕車青絲

短鞵看花日日催賓從而今何許定王城一枝  
且爲鄰翁送

又

別劉子思

古木叢祠孤舟野渡青年與客分攜處漠漠愁  
陰嶺上雲蕭蕭別意溪邊樹 我已北歸君方  
南去天涯客裏多歧路須君早出瘴烟來江南  
山色青無數

又

五月十三日夜  
月甚佳戲作



藕葉池塘榕陰庭院年時好月今宵見雲鬢玉  
臂共清寒水綃霧縠誰裁剪撲粉香綿侵塵  
寶扇遙知掩抑成凄怨去程何許是歸程離腸  
爲我深深勸

又

旋葺荒園初開小徑物華還與東風競曲檻暉  
暉落照明高城冉冉孤烟暝柳色金寒梅花  
雪靜道人隨處成幽興一盃不惜小畱連歸期

已理滄浪艇

又

萬里扁舟五年三至故人相見尤堪喜山陰乘  
興不須回眦耶問疾誰爲對不藥身輕高談  
心會匆匆我又成歸計他時江海肯相尋綠莎  
青箬看清貴

又

朱漕  
生朝

桂嶺南邊湘江東畔四年兩見生申旦知君心

地與天通天教仙骨年年換  
  便趁秋風橫翔  
霄漢相看黃紙書來喚  
  但令丹鼎永頻添莫辭  
酒盞春無算

菩薩蠻

諸客往赴東鄰之  
集戲作此小詞

庭葉翻翻秋向晚  
  砧聲敲月催金剪  
樓上已清  
寒不堪頻倚欄  
  鄰翁開社瓮喚客情應重不  
醉且無歸醉時歸路迷

又

雪消牆角收燈後野梅官柳春全透池閣又東  
風燭花燒夜紅一尊畱好客飲盡欄杆月已  
醉不須歸試聽烏夜啼

又

立春

絲金縷翠幡兒小裁羅撚線花枝裊明日是新  
春春風生鬢雲吳霜看點染愁裏春來淺只  
願此花枝年年常戴伊

又

縹蕪白芷愁煙渚  
曲瓊飛捲江南雨  
心事怯衣單  
樓高生晚寒  
雲鬢香霧溼  
翠袖淒餘泣  
春去有來時  
春從沙際歸

又

恰則春來春又去  
憑誰說與春教住  
與問坐中人  
幾回迎送春  
明年春更好  
只怕人先老  
春去有來時  
願春長見伊

又

林柳州  
生胡

史君家枕吳波碧朱門鋪手搖雙戟也到嶺邊  
州真成汗漫遊歸期應不遠趁得東江煖翁  
媪雪垂肩雙雙平地仙

生查子

詠摺  
盤仙

宮紗蜂趕梅寶扇鸞開翅數摺聚清風一捻生  
秋意搖搖雲母輕裊裊瓊枝細莫解玉連環  
恐作飛花墜

臨江仙

帥長沙寄靜江三故  
人張仲欽朱漕滕憲

試問宜齋樓下竹年來應長新  
篁使君五嶺又三湘舊游知好在  
熟處更難忘尚念論心舒  
嘯不只今湖海相望遙  
憐陰至酒尊涼舉觴須  
酌我樓外是清江

又

卷畫樓前初立馬  
隔簾笑語相親鉛華洗盡見  
天真衫兒輕罩霧鬢子直梳雲  
翠葉銀絲末利櫻桃澹注香唇  
見人不語解畱人數盃愁裏

酒兩眼醉時春

二郎神

坐中客共千里瀟湘秋色漸萬寶西成農事了  
穉稂看黃雲阡陌橋口橘洲風浪穩嶽鎮聳倚  
天青壁追前事興亾相續空與山川陳迹南  
國都會繁盛依然似管聚翠羽明珠三市滿樓  
觀湧參差金碧乞巧處家家追樂事爭要做豐  
年七夕願明年強健百姓歡娛還如今日

干湖詞

卷二  
二十一

汲古閣



浣溪沙

只倚精忠不要兵，卷旗直入蔡州城。賊營半夜  
落妖星。萬旅連屯看整暇，十簪環坐却娉婷。  
白麻早晚下天庭。

又

餞劉  
共甫

玉節珠幡出翰林，詩書謀帥眷方深。威聲虎嘯  
復龍吟。我是先生門下士，相逢有酒莫辭斟。  
高山流水遇知音。

又

絕代佳人淑且貞  
雲爲肌骨玉爲神  
燭前花底不勝春  
倚竹袖長寒卷翠  
凌波襪小暗生塵  
十分京洛舊來人

又

行盡瀟湘到洞庭  
楚天濶處數峰青  
旗梢不動晚波平  
紅蓼一灣紋纈亂  
白魚雙尾玉刀明  
夜涼船影浸疎星

又

只說閩山錦繡幃，忽從團扇得生枝。  
綉紅衫子映豐肌，春線應憐壺漏永。  
夜針頻見燭花摧，塵飛一騎憶來時。

又

瑞香

臘後春前別一般，梅花枯淡水仙寒。  
翠雲裘着紫霞冠，妙品只今推第一。  
寶香元不是人間，爲君更酌小龍團。

又

倭別  
鄭憲

寶蠟燒香夜影紅  
梅花枝旁錦薰籠  
曲瓊低捲  
瑞香風 萬里江山供燕几  
一時賓主看談鋒  
問君歸計莫匆匆

又

荊州約馬舉先  
登城樓觀塞

霜日明霄水蘸空  
鳴鞘聲裏繡旗紅  
澹烟衰草  
有無中 萬里中原烽火北  
一尊濁酒戍樓東  
酒闌揮淚向悲風

又

再川韻

宮柳垂垂碧照空  
九門深處五雲紅  
朱衣只在殿當中  
細撚絲稍龍尾北  
緩攜綸旨鳳城東  
阿婆三五笑春風

于湖詞卷三

浣溪沙

六客西來共一舟  
吳兒蹋浪翦輕鷗  
水光山影翠相浮  
我欲吹簫明月下  
略須停棹晚風頭  
從前三五到蘄州

又

已是人間不擊舟  
此心元自不驚鷗  
卧看駭浪與天浮  
對月只應頻舉酒  
臨風何必更搔頭

暝煙多處是神州

又

中秋十  
八客

同是登瀛冊府仙今朝聊結社中蓮胡笳按拍  
酒如泉喚起封姨清晚暑更將荔子薦新園  
從今三五夜嬋娟

又

日煖簾幃春晝長纖纖玉指動杯牀低頭伴不  
顧檀郎荳蔻枝頭雙蛺蝶芙蓉花下兩鴛鴦

壁間聞得唾絨香

又

餞劉  
共交

射策金門記昔年  
又教潘翰入陶甄  
不妨衣鉢再三傳  
粉淚但能添楚竹  
羅巾誰解繫吳船  
捧盃猶願小畱連

又

烟州亭定  
夫置酒作

滌滌湖光綠一圍  
脩林斷處白鷗飛  
天機雲錦蘸空霏  
乞我百弓真可老  
爲公一飲醉忘歸



扁舟日日弄晴暉

又

過臨川席  
上賦此詞

我是臨川舊史君而今欲作嶺南人  
重來遼鶴事猶新  
去路政長仍酷暑  
主公交契更情親  
橫秋閣上晚風勻

又

前同

康樂亭前種此君  
重來風月苦畱人  
兒童竹馬笑談新  
今代孟士仍好客  
政成歸去眷方新

十斛環坐晚妝勻

又

羅襪生塵洛浦東  
美人春夢瑣窗空  
睂山細蹙恨千重  
海上蟠桃畱結子  
渥洼天馬去追風  
不須多怨主人公

西江月

諸老何煩薦口  
先生自簡淵衷  
千年聖學有深  
功妙處無非日  
用已授一編  
圯下却須三顧

千秋詞

卷三

汲古閣

隆中鴻鈞早晚轉春風我亦從君買勇

又

同僚飲  
餞宜齋

窗戶青紅尚溼主人已作歸期坐中賓客盡鄒  
枚盛事他年誰繼別酒深深頻勸離歌緩緩  
休催扁舟明日轉清溪好月相望千里

又

不識平原太守向來水北山人世間功業謾虧  
成華髮蕭蕭滿鏡幸有田園故里聊分風月

江城西波西畔晚波平袖手時來照影

又

代宣教  
上母夫人壽

慈母行封大國老仙早上蓬山天憐陰德徧人  
間賜與還丹七返莫問清都紫府長教綠鬢  
朱顏年年今日綵衣班兄弟同扶酒盞

又

冉冉寒生碧樹盈盈露溼黃花故人玉節有光  
華高會仍逢戲馬世事只今如夢此身到處

爲家與君相遇 夏天涯 擽了茱萸醉把

又

使樓陪諸公飲醉甚和尚巨源任子嚴陶茂安韻呈周悅道使刻之樓上

樓外疎星印水樓頭畫燭燒 蓮憑高舉酒思厭  
厭征路虛無指點 酒興因君開闢山容向我  
增添一鈎新月弄纖纖 濃霧花房半斂

又

十里輕紅自笑兩山濃翠相呼意行着脚到精  
廬借我繩牀小住 解飲不妨文字無心更狎

鷓鴣魚一聲長嘯算烟孤袖手西湖歸去

減字木蘭花

上黃倅宅  
太叔人壽

慈闈生日見說今年年九十戲綵盈門大底孩  
兒七箇孫 人間喜事只這一般誰得似願我  
雙親都似君家太淑人

又

江頭送客楓葉荻花秋瑟瑟絃索休彈清淚無  
多怕溼衫 故人相遇不醉如何歸得去我自

忘歸烟滿空江月滿堤

又

一尊畱夜寶蠟熒簾光  
激射凍合銅壺細聽水  
簷夜剪酥 清秋冉冉酒  
喚紅潮登玉臉明日  
重看玉界瓊樓特地寒

又

臘月二十六日立春

春如有意未接年華春已至  
春事還新多得年  
時五日春 春郊便綠只向臘  
殘春已足屈指

元宵正是新春二十朝

又贈

尼

吹簫泛月往事悠悠那更說  
碎破琉璃陡覺從前萬事非  
清齋淨戒休作斷腸垂淚債  
識破囂塵作箇逍遙物外人

又

柳花搦柳知道東君畱意久  
慘綠愁紅憔悴都因一夜風  
輕狂胡蝶擬欲扶持心又怯  
要免



離披不告東君夏告誰

憶秦娥

天一角南枝向我情如昨  
情如昨水寒烟淡霧  
輕雲薄吹花嚼蕊愁無託  
年華冉冉驚離索  
驚離索情春畱住莫教搖落

浣溪沙

湓浦從君已十年京江仍許借歸船  
相逢此地有因緣  
十萬貔貅環武帳三千珠翠入歌筵

功成去作地行仙

又

一片西飛一片東高情已逐落花空  
舊歡休問幾時重  
爲習政如刀  
舐蜜掃除須著絮  
因風諸君持此問龐公

柳梢青

碧雲風月無多莫被名韁利鎖  
白玉爲車黃金作印不戀休呵  
爭如對酒當歌人是人非恁

麼年少甘羅老成呂望必竟如何

醜奴兒

年年有箇人生日誰是君家誰是君家八十慈  
親髮未華棠陰閣上棠陰滿滿勸流霞滿勸  
流霞來歲應添牽路沙

又

十分濟楚邦之媛此日追遊雨霽雲收夢入瀟  
湘不那愁主人白玉堂中老曾侍凝旒滿酌

瓊舟卽上羲皇香案頭

又

珠烟璧月年時節  
纖手同攜今夕誰  
知自撚梅花勸一卮  
逢人問道歸來也  
日日佳期管有來時  
趁得收燈也未遲

又

無雙誰似黃郎子  
自鄮無譏月滿星稀  
想見歌場夜打圍  
畫眉京兆風流甚  
應賦蚺蟻楊柳

依依何日文簫共駕歸

點絳脣

綺燕高張玉潭月麗玻璃滿旆霞行卷無復長  
安遠 夏木陰陰路裊薰風轉空畱戀細吹銀  
管別意隨聲緩

又

四到蘄州今年夏是逢重九應時納佑隨分開  
尊酒 屢舞婆娑醉我平生友休回首世間何

有明月疎疎柳

卜算子

雪月最相宜  
梅雪都清絕  
去歲江南見  
雪時月  
底梅花發  
今歲早梅開  
依舊年時月  
冷艷孤  
光照眼明  
只欠些兒雪

又

萬里去擔簦  
誰識新豐旅  
好事些兒說  
與郎奴  
是姮娥侶  
若到廣寒宮  
但道奴傳語  
待我仙

郎折桂枝揀箇高枝與

南歌子

上吳提  
宮詩

人物羲皇上詩名沈謝間  
漫郎元是漫爲官  
醉眼菁騰只擬看  
湘山小隱真成趣  
鄰翁獨往還  
野堂梅柳尚春寒  
且趁華燈頻泛酒  
船寬

又

曾到蘄州否  
人人說使君  
使君才具合經綸  
小試邊城早  
晚上星辰佳節  
重陽近清歌  
午夜

新舉盃相屬莫辭頻後日相思我已是行人

望江南

題南岸  
銓德觀

談子醉獨立睨東風未試玉堂揮翰手只今楚  
澤釣魚翁萬里舉盃空 謀一笑與君同身老  
南山看射虎眼高四海看飛鴻赤岸晚潮通

又

朝元去深殿扣瑤鍾天近月明黃道冷參回斗  
轉碧霄空身在九光中 風露下環珮響丁東



玉案燒香紫翠鳳  
松壇移影動蒼龍  
歸路海霞紅

柳梢青

蔣文粟兄趨朝錢文茹橫槎宗文如古藤祥瑞置酒作別賦此以侑

尊

滿城風雨重陽時  
節更催行色隴樹寒輕  
海山秋老清愁如織  
一杯莫惜畱連我亦是天涯  
倦客後夜相思水長山遠  
東西南北

又

草底蛩吟煙橫水際月澹松陰荷動香濃竹深  
涼早銷盡煩襟 髮稀渾不勝簪更客裏吳霜  
暗侵富貴功名本來無意何況如今

鳳棲梧

畫戟游閑刀入鞘安石榴花影落紅欄小似勸  
先生須飲耐枕中鴻寶微傳妙 袞袞鋒車還  
急詔滿眼瀟湘總是恩波渺歸去槐庭思楚嶠  
觚稜月曉期分照

瑞鷓鴣

香珮潛分紫繡囊，野塘波急折鴛鴦。  
春風灞岸空回首，落日西陵夏斷腸。  
雪下哦詩憐謝女，花間爲令勝潘郎。  
從今千里同明月，再約團時拜夜香。

青玉案

送頻統  
轄行

相春堂上聞鶯語，正花柳芳菲處。  
有底尊前懽且舞，滿堂賓客，紫泥丹詔，  
袞袞烟霄路。君王

天縱資仁武要尺箠平驕虜思得英雄親駕馭  
將軍行矣九重虛宁談笑清寢宇

南鄉子

刑監廟餞送朱太傅  
張直閣阻雨賦此詞

江上送歸船風雨排空浪拍天賴有清尊澆別  
恨淒然寶蠟燒花看吸川楚舞赴湘絃煖響  
圍春錦帳瓊坐上定知無俗客俱賢便是朱張

與少連

少連謂  
刑監廟

清平樂

光塵撲撲宮柳低迷綠鬪鴨闌于春詰曲簾額  
微風繡蹙碧雲青翼無憑困來小倚雲屏楚  
夢未禁春晚黃鸝猶自聲聲

又

向來省左謀國叅伊呂誓偕良儔匪再舉談笑  
肅清三楚良辰上客徜徉奏篇欲記傳香此  
日一尊相屬它時同在巖廊

又

詠梅

吹香嚼蕊獨立東風裏欲凍雲驕天似水羞殺  
天桃穠李如今見說闌干不禁月冷霜寒嶺  
上驛程人遠城頭戍角聲乾

霜天曉角

柳絲無力冉冉縈柔碧繫我船兒不住楚江上  
曉風急棹歌休怨抑有人離恨極說道歸期  
不遠剛不信淚偷滴

歸梧謠

送劉  
郎

千秋詞

卷三  
十三

汲古閣

歸十萬人家兒樣帝公歸去何日是來時

又

歸獵獵薰風卷繡旗攔教住重舉送行盃

又

歸數得宜麻拜相時秋前後公袞更萊衣

醜奴兒

伯鸞德耀賢夫婦見說宜家見說宜家庭砌森  
森長玉華 天公遣注長生籍服日食霞服日

食霞壽紀應須海算沙

蝶戀花

君泛仙楂銀海去後日相思地角天涯路草草  
盃盤深夜語冥冥四月黃梅雨莫拾明珠并  
翠羽但使斯民愛我如慈母待得政成民按堵  
朝天衣袂翩翩舉

念奴嬌

海雲四斂太清樓極目一天秋色明月飛來雲

千湖詞

卷三  
十四

汲古閣



霧盡城郭山川歷歷良夜悠悠西風嫋嫋銀漢  
冰輪側雲霓三弄廣寒宮殿長笛偏照紫府  
瑤臺香籠玉座翠靄迷南北天上人間凝望處  
應有乘風歸客露滴金盤涼生玉宇滿地新

白壺中清賞畫簷高掛虛碧

又

風帆更起望一天秋色離愁無數明日重陽尊  
酒裏誰與黃花爲主別岸風煙孤舟燈火今夕

知何處不如江月照伊清夜同去  
船過采石江邊望夫山下酌水應懷古  
德耀歸來雖富貴忍棄平生荆布  
默想音容遙憐兒女獨立衡阜  
算桐鄉君子念予憔悴如許

拾翠羽

春入園林花信總諸遲速聽鳴禽  
稍遷喬木天桃弄色海棠芬馥  
風雨霽芳徑草心頻綠  
襖事纔過相次禁煙追逐想千歲  
楚人遺俗青旗

沽酒各家炊熟良夜遊明月勝燒花燭

蝶戀花

秦樂家  
賞花

爛爛明霞紅日暮艷艷輕雲皓月光初吐傾國  
傾城恨無語綵鸞祥鳳來還去愛花常爲花  
畱住今歲風光又是前春處醉倒扶歸也休訴  
習池人笑山翁語

又

恰則杏花紅一樹撚指來時結子青無數漠漠

鳳牋

菩薩蠻

西齋爲杏  
花寓言

臙脂淺染雙珠樹  
春風到處嬌無數  
不語恨慙  
慙何人思故園  
故園花爛熳  
笑我歸來晚  
我老只思歸故園  
花雨時

又

回文

落霞殘照橫西閣  
閣西橫照殘霞落  
波淺戲魚  
多多魚戲淺波  
手攜行客酒  
酒客行攜手腸

斷九歌長長歌九斷腸

又

文回

渚蓮紅亂風翻雨雨翻風亂紅蓮渚深處宿幽  
禽禽幽宿處深澹粧秋水鑑鑑水秋粧澹明  
月思人情情人思月明

又

文回

晚花殘雨風簾捲捲簾風雨殘花晚雙燕語虛  
窗窗虛語燕雙睡醒風愜意意愜風醒睡誰

與話情詩詩情話與誰

又

回文

白頭人笑花間客  
客間花笑人頭白  
年去似流川川流  
似去年老羞何事  
好好事何羞老紅  
袖舞香風風香舞  
袖紅

又

玉龍細點三更月  
庭花影下餘殘雪  
寒色到書帷  
有人清夢迷  
牆西歌吹好  
獨暖香闥小  
多

病怯杯觴不禁冬夜長

南歌子

過嚴關

路盡湘江水人行瘴霧間  
昏昏西北度嚴關  
天外一簪初見嶺  
南山北雁連書斷  
秋霜點鬢斑  
此行休問幾時還  
唯擬桂林佳處過春殘

鵲橋仙

湘江東畔去年今日堂上簪纓羅綺弟兄今日  
拜尊前共一笑歡歡喜喜  
渚宮風月邊城鼓

角夏好親庭一醉醉時重唱去年詞願來歲強  
如今歲

燕歸梁

風柳搖絲花纏枝滿目韶輝離鴻過盡百勞飛  
都不似燕來歸 舊來王謝堂前地情分獨依  
依畫梁雕拱啓朱扉看雙舞羽人衣

訴衷情

丹牡

亂紅深紫過羣芳初欲減春光花王自有標格



塵外鎖韶陽  
爾國艷問仙鄉  
自天香翠帷遮  
日紅燭通宵與醉千觴

浣溪沙

母氏生辰  
首同往舟中

穩泛仙舟上錦帆  
桃花春浪舞清灣  
壽星相伴到人間  
黃石公傳三百字  
西王母授九霞丹  
銀潢有路接三山

又

以貢茶沉水  
爲齊伯壽

北苑先春小鳳團  
炎州沉水勝龍涎  
殷勤送與

繡衣仙 玉食向來思苦口芳名久合上凌烟  
天教富貴出長年

又

發公安風月甚佳明日至石首風雨驟至留三日同行諸公皆有詞孝祥用韻

方船載酒下江東孤管橫時浪拍空萬山紫翠  
晚雲重 擬看岳陽樓上月不禁石首岸頭風  
作牋我欲問龍公

卜算子

風生杜若洲日暮垂楊浦行到田田亂葉邊不

見凌波女 獨自倚危欄  
欲向荷花語 無奈荷花不應人  
肯立啼紅雨

點絳脣

萱草榴花畫堂永晝風清暑  
麝團菰黍助泛萸  
蒲醑 兵辟神符命續同心縷  
宜歡聚綺筵歌舞  
舞歲歲酬重午

又

秩秩寶筵玉潭春漲玻璃滿  
旆霞風卷可但長

安遠 夏木成陰路裊薰風轉空畱戀細吹銀  
管別意隨聲緩

西江月

風盡灘聲未已雨來篷底先知岸邊楊柳最憐  
伊憶得扁舟曾繫朝霧平吞白塔茅簷似有  
青旗三盃村酒醉如沉天色寒呵且睡

又

以寶鼎隋人寫小  
字蓮經爲總得壽

漢鑄九金神缶隋書小字蓮經剛風劫火轉青

冥護守應煩仙聖  
昨夢傳來帝所今  
朝壽我親庭只將此寶伴長生談笑中原底定

又

飲百花亭爲武夷樞密先生作亭望廬山雙劍峰爲惡竹所蔽是夕盡伐去

落日鎔金萬頃晴嵐洗劍雙峰紫樞元是黑頭  
公佳處因公愈重分得湖光一曲喚回廬岳  
千峰一尊今夜偶然同早晚商巖有夢

水調歌頭

方務德生日

紫橐論思舊碧落拜除新內家敕使傳詔親付

玉麒麟千里江山增麗是處旌旗改色佳氣鬱  
輪困看取連霄雪俗與萬家春 建崇牙開盛  
府是生辰十洲三島都向今日祝松椿多少活  
人陰德合享無邊長壽惟有我知君來歲更今  
日一氣轉洪鈞

又

過岳陽樓作

湖海倦游客江漢有歸舟西風千里送我今夜  
岳陽樓日落君山雲氣春到沅湘草木遠思渺

難收徙倚欄杆久缺月掛簾鉤 雄三楚吞七  
澤隘九州人間好處何處更似此樓頭欲吊沉  
累無所但有漁兒樵子哀此寫離憂回首叫虞  
舜杜若滿芳洲